

Кому Республикаса том войтырлөн газет



**Людмила ОГНЕВА:**

***Сиктö локті  
кокни сьöлөмөн***

**11 л.б.**



**Тайо  
НОМЕРЫН**

Менам чужан му - Изьва район, көні ме и ола - зэв мича. Вөр-ваис миян - сьёлөм вөрзёдана. Медся мича да шензёдана местаяссö бөрйисны да шуисны «Изьва района сизим шензёданаторйөн». На пöвстысь öти - Галфедь сиктса изьяс. Ме уна кывлі на йылысь, пыр көсии адзывлыны. И со, меным мойвиис ветлыны тайо изьяс дорö.

8  
л.б.

Кöрткерöс района Сюзяыб грездысь Антонина Ветошкина нимкодьясь ас сиктлөн мичлунөн. Со кутшöм мича снимокьяс ыстöма миян газетö. Радпырысь йöзöдам найöс «Гожся мойдын» рубрикаын. Помтöм-дортöм вөр, сöстөм ю, ичöтик дзоридз - вөр-ваис оз дудды нимкодьмөдöны сьёлөмтö.

9  
л.б.

Тавося май төлысьö Сыктывкарса канму университетсь коми филология юкöнын лой выльтор: искусствояс гимназиялөн концерт залын ми петкөдлім «От» спектакль. Авторыс - 5-öd курса студент Ольга Баженова. Спектакль пуктысь - республикаын нималана режиссёр В.М. Напалков.

12-13  
л.б.

Муртса на шондыс пöжыштис, а республикаса юясын бара нин эмöсь вöйысьяс. Со купайтчигөн некумын морт нин пöдöмаöсь. Воысь-во телевидение-радио да газетгьясын войтырлы юөртöны, кызди видзчысьны ю вылын. Сöмын тай оз ставныс споркнявны коланасö пель саяныс.

15  
л.б.

**КОЛАНА УДЖ**

*Россияса МЧС-лөн медшöр управлениеысь ичöт суднояс бöрся видзöдан государственной инспекциялы 30 во тырöмкөд йитöдын Коми Республикаса челядь пöвстын нуөдісны «Безопасность на воде» интернет-конкурс.*

**Ставыс ты да ю йылысь**

Конкурсö пырöдчöм могысь челядьлы коліс вочавидзны 20 юалөм вылö, кызди колана ногөн кутны асьтö ва вылын гожöмын, и тöлын. А нöшта коліс ыстыны фотоудж, кытөн тыдалö ва вылын мортлөн видзчысяна шойччöмыс. Коліс, медым снимокын тыдаліс сöмын республикаса ты-ю.

Конкурслы кывкөртöд вöчисны июнь 15-öd лунö. Вермысьясос кыпыда чолöмаліс Комиын МЧС-лөн медшöр управлениеөн веськөдлысь Александр Князев. Диплом да козингьяс сетіс ичöт суднояс бöся видзöдöмын Коми Республикаса медшöр инспектор Анатолий Редько.

Медводдза ин шедöдіс Сыктывкарса 16-öd школаса велöдчысь 15 арöса Екатерина Шергина. Мөд места вичмис челядьлөн да том йöзлөн Сыктывкарса творчество дворечысь «Отряд мэра» котырлы, веськөдлысьыс - Галина Шучалина. Коймөд местын - Емдін района Айкатыла сиктысь 11 арöса Семён Иванов.

Чолöмалам вермысьясос!

*Коми Республикаса МЧС-лөн медшöр управлениелөн юөр серти*



Июнь 18 лунö «Орлёнок» лагерын Комиын МЧС-лөн медшөр управлениен уджалысьяс да би кусöдан Россияса котырлөн Коми Республикаын юкөн нуöдисны «День безопасности» акция.

# Биён дурны оз позь!



Гажыс пансис шызьöдана шысянь - лагерын «öзйöма» стрöйба. Ставён уськöдчисны мездыны челядьöс. Эвакуация колана ногөн лои котыртöма - челядь, кодъясöс юкисны кык пельö, да вожатöйяс öтвылысь петисны öзьянинысь.

Воисны тшöтш и би кусöдчысьяс. Найö пыралисны стрöйбалөн дзик быд жырьö. Ставыс мунис сідзи, кызди и збыль öзйигөн. Сук тшын пиысь сьöкыд вöлі мыйкö аддзыны, но би кусöдысьяс мездисны мортöс - сьён вöлі нималана «Яша» манекен.

Сэсса ставён чукöртчисны «Орлёноклөн» площадка вылын. Челядьöс чолöмалис Комиын МЧС-лөн медшөр управлениён веськöддысь Александр Князев. Татшöм пö чукöртчылöмлөн мог - велöдны челядьöс видзны асьнысö быдсикас лöөмтор дырйи, тöдмöдны МЧС-лөн став уджалан юкөнөн. Би кусöдан Россияса котырлөн Коми юкөнөн веськöддысь Юрий Сухорутченко тшöтш шыöдчис челядь дорö да козыналис «Орлёноклы» огнетушитель да пызанвывса ворсантор.

Чолöмалана кывъяс кывзöм бöрын заводитчис шöр гажыс. Би кусöдысьяс котыртисны конкурс, кодö өдйöджык пасьталас боевöй паськöм. Быдөн вермис видлыны ас вылас химияысь да жарысь видзан паськöм, бронезилет.

«Орлёнокын» став шойччысьяс кусöдис «пöжар». Челядь ве-

лöдчисны вöдитчыны углекислотаа да порошока огнетушительясөн. Би кусöдысьяс висьталисны, кызди найö тöдмалöны öзйöмысь помкасö. Та могысь найö локтисны лагерö пöжарнöй лаборатория машинаөн. Экспертъяс стрöга шуисны: биён дурны оз позь!

Лагерлөн нöшта öти инын асланыс уджөн тöдмöдисны ГИМС-ысь специалистъяс. Найö воисны «Орлёнокö» спасательнöй катерөн. Челядьлы позис пуксьывлыны сылөн штурвал сайö. Велöдисны пасьтавны спасательнöй жилет, шыблавны сідз шусяна «конец Александра». Висьталис-

ны, кызди отсавны мортлы бурдöдысьяслөн вотöдз, петкöдлисны «Гоша» манекен вылын. Челядь пуктисны сылы шина чегöм ки да кок вылö, вöчисны искусственнöй дыхание да перевязка.

МЧС-лөн Сыктывкарса корсьясян-отсалан отрядысь спасательяс петкöдлисны асьыныс уджалан эмбурсö - туйвывса неминуча бöрын либö киссьöм-тыртöм ин весалигөн. А нöшта висьталисны, кызди вөр-ваын колана ногөн овны - медым вöрын он вош, кызди вöдитчыны компасөн да йöзкостса приметаөн, мый быть колö аскöдыд босьтны походö.

Асфальт вылын вöчисны серпасасян конкурс. Челядь серпасалисны пöжарнöй машина, спасательнöй катер да мукöдтор. Медбöрын би кусöдысьяс петкöдлисны быгъя атака - кажитчис и версьöлы, и поснилы.

Гажыс артмис, акцияыс збыльмис. Сідзкö, челядьлөн каникул кольö кыпыда, лёк виччысьтöм юөръястөг. «День безопасности» мунас Коми Республикаса лагеръясын гождя каникулыяс чöж.

*Россияса МЧС-лөн Коми Республикаын медшөр управлениелөн юөр серти*



**Сиктысь – каро  
ЮОР ВАЯМ**

Июнь 12 лунö Корткерос районуысь Висер сиктса клубын мунис «Россия, матушка моя» шылада-конкурса гаж.

# СЫЛІМ, ЙӨКТИМ, ОРДЙЫСИМ

Мичаа йөктөмөн восьтисны гажсö Кристина Макарова да Аня Попова. Юргисны сьланкывъяс чужан му йылысь, кодъясöс сьылісны Ида Игушева да Кристина Попова, Кристина Макарова да Аня Попова, Лиза Мишарина, а сідзжö Света Поздеева да Кристина Попова - Висер сиктса гөсьгъяс: öтиыс юркарысь, мöдыс Нарьян-Марысь. Сьылöмгъяс костын видзöдысьяс ворсисны «Сёркни» мойдысь, пырöдчисны чужан му йылысь викторинаö. Вочавидзисны быдсикас юалöм вылö. Вермысьясөн лоины медічөтгъяс: Света Поздеева да Кристина Попова (дерт, ыджыд мамгъяс отсöгөн). Налы вичмис козин - небöг, а мукöд пырöдчысьлы - юмовтор.

Тайö праздник кузя нöшта вöлі спортивной ордйысьöм. Ростислав Габов нуöдис сідз шусяна «полоса препятствий». Быд ордйысьысьлы колö вöлі котöртны, чечавны мешöкөн, чечавны «дяс» вывті, журкнитны велосипедөн, котöртны лыжиөн, суйны воротаö гол. Вермысьяслы вичмисны медальяс.

Со кутшöм бура да гажаа коллялöны гоҗся каникул висерса посниулов. А ті кызди?

*Оксана ПИНЯГИНА*



Июнь 11-өд лунö Удора районса Кослан сиктын мунис «Безопасное колесо» конкурс-ордйысьöм.

## А сэсся - республикаса тшупöдын нин



Ставнас волісны квайт команда: Ёдваысь, Черныбысь, Благоевоысь, Усогорскысь, Готовоысь да Косланысь. Ныв-зон петкөдісны асьыныс кужöмлуннысö туйывьса правилояс төдöмын, мортлы медводдза отсöг колана ногөн сетöмын да дзоньвидзалун видзöмын, велосипедөн кужöмөн да мичаа ветлöмын. Сідзжö ставён пырöдчылісны «Вместе - за безопасность дорожного движения» творческой конкурсö.

Медбура асьнысö петкөдісны Косланса ныв-зон, буретш налы и вичмис медводдза места. Мöd места шедöдісны Готовоса томуров. Вермысьяслы коли нöшта на бурджыка дасьтысьны да петкөдлыны асьнысö республикаса тшупöдын нин.

*Миян корр.*




**Дзоньвидзалун** Июнь 16-өд лунö Койгорт районса социальной отсөг септан шөринса уджалысьяс нуөдिसны «Десант трезвости» акция, кодöс сиисны Дзоньвидзалун волю.

## Эн ю!

Акция чöж специалистъяс ветлөдöисны Койгорт сикт кузя да разöдалöсны буклетъяс, кытчö вöли юөртöма, мыйта лёк вайö мортлөн вир-яйлы вина юөм.

Сидз шусяна алкоголизм венөм-бырөдөм - миян олөмын медшөр могъяс пиысь öти. Дзоньвидзалун кузя ставмирса организация серти, вина юөм сулалö коймөд местаын, мыйысь медса тшöкыда кувласьö войтыр (сьөлөм висьөм да онкология бöрын). Код юра йөзөн вöчсьö матö 40 прöцент мыж, а тшöтш и шома юра шоперьяс тшöкыда вöчöны туйывса неминуца.

Этиловöй спирт - тайö наркотика яд, кодö виö мортлөн вир-яйысь клеткаяс. Туялысьяс серти, 100 г. водка бырөдö юрвемьсь 7 сюрс сайö уджалан клетка.



## Интаын шуисны

## «Ог!»

Инта карса челядылы да семьялы социальной отсөг септан шөринын зильысьяс да 10-өд номера школаса волонтёръяс пөталöсны уличаясьö висьтавыны-юөртны пода ветлысьяслы дзоньвидза олөм нуөдөм йылысь. Интаса олысьяслы разöдöисны «Ошибка, которая может стоить жизни!» памяткаяс. Кабалаясьö вöли пасйöма куритчөм да вина юөмлөн мортлөн вир-яйлы лёк вайөм йылысь. Акция нуөдысьяс нöшта öтчдысь уськөдöисны тöд выланьыс, мый асьсыд дзоньвидзалунтö колö кужөмөн видзны, мый колö мөвпавны водзö олөм йылысь.

Миян корр.





Аслас виль кывбуръясөн нимкодъмөддө миянөс Кулөмдін районса Ыджыд Кужйын олысь нывка Мария Юшкова.

## ВЫЛЬ КЫВБУРЪЯС

### Ар локтөм

Арыс коръясөн вевттяс эрдъяс,  
Зарни паськөмөн пасьтөдас вөр.  
Сійө ставнысө быдтасөн вердас,  
Сылөн ывлаын кылө нин көр.

### Ме өд тэнө радейта...

Ме өд тэнө радейта,  
Мича, муса зон.  
Радейтан тэ менө?  
Дерт жө, көнкө, он.  
Тэ йылысь век мөвпала,  
Войясөн ог узь,  
Кыла, кызди войясөн  
Оз жө узь и сюзь.  
Тэнад мича синъясыд  
Янөдөны менө.  
Мый нө меным вөчнысө,  
Радейта кө тэнө?

### Ведрa чөд

Быдмис матын паськыд вөр,  
Муртса сиктысь каян.  
Мунис вотны сэтчө чөд  
Ваньлөн чойыс - Галя.

Вотчынытө эз вөв дыш,  
Өдйө кийс вөрис.  
Эз ков сылы час ни кык,  
Тусьөн дозмук тырис.

Ваньө сөйис кисьмөм чөд,  
Ичөт кийс лои сьөд.  
Муса чойлы аттьө,  
Быдма, ньоба платтьө!

### Чужан кыв

Тайө кывйыс меным дона,  
Тайө кывйыс озыр, бур.  
Радейта ме сійөс ёна.  
Тайө менам чужан кыв!

Коми кывйөй сөстөм, мича,  
Коми кывйөй мем зэв муса.  
Сьөлөм пытшкын видзны  
Ме век сійөс кута!

### Жугыль пельсь

Бипурөн ломалан пельсь  
Сулалө толаяс шөрын.  
Лымъясас важөн нин келіс -  
Коръяссө пыркнитөм бөрын.  
Юалі коркө ме сылысь:  
«Мыйла нө татшөм тэ жугыль?»  
Пуыслысь вочакыв кылі:  
«Аддзан, со лым улас нюгыль.  
Кор нин и тулысыс волас,  
Войвывсө повзьөдас вильысь.  
Өні кө кымөм ме лола,  
Сэки өд лоа ме сылысь».  
Пельсьөй, муса дай пуөй,  
Тулысыс регыд нин воас.  
Сэки и меным ас муын  
Гажаджык овнысө лоас.

### Медся дона морт

Мамөй, тэ мем медся дона,  
Меным мирас медся муса.  
Радейта ме тэнө ёна,  
Пыдди пуктыны век кута.

Тэ - ставыс, мый менам и эм.  
Тэ, мамук, колан меным пыр.  
Ме сиа тэныд помтөм нэм,  
Ов, муса мамукөй, зэв дыр!



## *Мый сэтшöмыс котыр*

Котыр - кор öтлаон тi  
Дасьöсь быд сьöкыдтор венны,  
Кор матысса нюжодас ки,  
И сэки ставсö тэ верман.

Котыр - сьöкыд тэд кор  
Аддзыны доналысь синва,  
Кор сылön сьöлöмас дой  
Тшöтш тэнад морöсад инмö.

Котыр - кор лоан тэ рад  
Бать-мамлы отсасыны пыр.  
Котыр - кор эм тiян кад  
Шойчигмоз сёйны шашлык.

Котыр - кор гожöмнас тi  
Шойчанныд Сьöд саридз дорын,  
Либö кор ветланныд тi  
Мöд сиктö рöдвужьяс ордö.

Котыр - кор сулалö коз,  
Кор ставön тыр пызан сайын  
Виччысям гажа Выль во,  
Öта-мöдыдлы козиньяс ваям.

Котыр - зэв ыджыд шуд!  
Öд öткаон шудсö он аддзы.  
Сöмын сэк сьöлöмад бур,  
Кор котырын олан тэ тадзи!

## *Мам-батьлön челядьдыр*

«Кутшöм тiян вöли челядьдыр?»  
Мамö меным вочавидзис пыр:  
«Керöс йывсянь исласим быд лун,  
Гортö некод пемдытöдз эз мун.  
Гожöмьяснас вотiм чöд да оз,  
Кыйим чери, купайтчыштiгмоз.  
Öнi тiян абу тöжд ни мог,  
Кесйöдан кö, шуанныд век: «Ог!»  
Суйöмныд компьютерьясö юр,  
Лунтыр гортын. Тайö абу бур».  
Мамлön, кönкö, висьталöмыс збыль,  
Мед и луной, сiдзкö, лоас выль.

## *Ок, кутшöм лöсьыд...*

Ок, кутшöм лöсьыд овны арын!  
Кор вöрыс-ваыс ставнас зарни,  
Кор вöрын быдмö уна тусь,  
Кор еджыд лымйыс оз на усь.

Ок, кутшöм лöсьыд овны тöвнас!  
Кор ставыс еджыд лымйön тырас.  
А челядь кутшöм лоас рад:  
Воас даддьöн исласяна кад!

Ок, кутшöм лöсьыд гажа тулыс!  
Öд ставнас ловзьö шондi улыс.  
Дзик гөгөр кылö югыд гор.  
Ме ачым быттö дзольгысь шор.

Ок, кутшöм лöсьыд кадыс - гожöм!  
Кор ставыс быдмö дзик быд вожын:  
И тшак, и пув, и оз, и чöд,  
Да шедö мортлы кынöмпöt.

## *Менам сиктöй, сьöлöмшөрöй!*

Медся дона чужан Куж,  
Сьöлöмшөрöй менам,  
Некор менам тэ он вун,  
Мый кöть сэсся керан.

Ме быдма, ылын овны  
Чужан мусянь кута,  
Но век на лоö меным  
Кужйöй медся муса!

А кор пöрысь лоа нин,  
Олöм менам мунас,  
Но век на коляс меным  
Кужйöй медся муса!



**Чужан  
МУ**

*Менам чужан му - Изьва район, көні ме и ола, зэв мича. Вөр-ваыс миян сьёлөм вөрзьөдана. Медся мича да шензьөдана местаяссө бөрйисны да шуисны «Изьва районса сизим шензьөданаторйөн».*

*На пөвстысь өти - Галфедь сиктса изьяс. Ме уна кывлі на йылысь, пыр көсьи аддзывлыны. И со меным мойвиис ветлыны тайö изьяс дорö.*

## Со тай кутшөм тупөсьяс!

Вөлі тайö кольөм вося сентябрö нин, ывлаыс вөлі лов кыпөдана. 26 морта котырөн ми мөдөдчим экскурсия вылө. Туйыс вөлі сьөкыд да кузь, Изьва-сянь быдса 76 километра! Да и ветланиныс абу зэв бур, 30 километр кузьта сідз шусяна грунтовка. Но кык час мысти ми лоим колана местаын.

Туй чөж миянлы эз сет гажтөмтчыны экскурсоводным, Изьва районса историко-краеведческой музейын уджалыс Антонина Петровна Артеева. Сійö нуөдіс миянлы быдсяма ворсөм, а вермысьяслы сеталис козиньяс. Автобуссыс петөм бөрын ми шензим, кутшөм сөстөм да лөнь тайö сиктыс! Гөгөр ставыс вөлі идралөма, а медшөрыс - ывлаас эз вөв ни өти ловья лов!

Кор ми лэччим Изьва берег дорö, миянөс шензьөдіс лов вөрзьөдана серпас: шуйгавывсянь кыркөтш вылын сулаліс джуджыд сьөд вөр, сөмын төвруттор вөрөдіс пуяслысь тутаньяссө. Веськыд-ывывсянь жö ньөжйөнника кывтіс миян чужан Изьва юным, код вылын ворсөдчисны син ёрысь шоңді югөрьяс. А шөрас, берег вылас, куйлісны зэв ыдж-

ыд мольыд изьяс. Кор аддзи найөс, эг эскы аслам синьяслы! Фотояс вывсьыс ме аддзывлі, мый найö вывті ыджыдөсь, но весиг эг чайт, мый та ыждаөсь! Ас мыгөр кузяыс найö быттьөкө ыджыд шыльыд тупөсьяс. Антонина Петровна кывьясысь ми гөгөрвоим, мый некод стөча оз төд, кытысь найö тані лоөмаөсь. Но висьталөны, мый найö куйлөмаөсь татөн нэмьяс чөж. Туялысьяс шуөны, мый найөс вайөма ледник. А галфедьса йөз чайтөны, мый найö веськалөмаөсь татчö космосысь. Мый көть сэсся оз шуны, но татшөм ыджыд гөгрөс изьясыс Коми Республикаын некөн сэсся оз паныдасьлыны! Ми дыр на снимайтчим на дорын, а сэсся жальпырысь кутім мөдөдчыны гортö.

Ме чайта, мый оз ков мунны ылі муясö, медым аддзывны шензьөдантор. Öд сы мында төдтөм да мича ин эм миянкөд орччөн!

*Галина ЧУПРОВА,  
Изьва районьсы  
Сизяб шөр школаса  
9-өг класс помалысь.*



## Гожся МОЙДЫН

*Көрткерөс районса Сюзяыб грездысь Антонина Ветошкина нимкодясь ас сиктлөн мичлунён. Со кутшом мича снимокьяс ыстөма миян газетё. Радпырысь йөзёдам найос «Гожся мойдын» рубрикаын. Помтөм-дортөм вөр, сөстөм ю, ичө-тик дзоридз - вөр-ваыс оз дугды нимкодьмөдны сьөлөттө. Виччысям и тэсянь, дона лыддысьсысь, гожөмлысь мичлун петкөдлан снимокьяс.*

Лөз енэжыслөн муртавлытөм пыдөс,  
И алөй вөнъ.  
Ак, кутшом муса ыркыд гожся рытыс  
И кутшом лөнъ!

Со кодкө вуджөртис дзор сад йөр бокти...  
«Вай петав, ныв»...  
Көть дзик нин өшинь улө сийө локтис,  
Кок шы оз кыв.

И сэтшөм вына чөскыд дука рытыс!  
И... шывгө вой.  
Лөз енэжыслөн муртавлытөм пыдөс.  
Му вылас - мойд.  
(Александр МАЛЬЦЕВ)

## Му вылас - мойд



**Муöгз  
КОТЫР**

*Медым висьтавны аслам Афанасий Алексеевич Нечаев прадед йылысь, колö тöдны сы йылысь унатор. Ме көть эг аддзые сійöс ас синмөн, но рöдвужлысь пыр юасьлі. Да и асьныс найö тшöкыда казътывлісны тайö сөстөм лола ай йыв-сьыс. А ме киö босьтывлі прадедлысь фотографиясö...*

# Ки пöла, но öд ловйöн!

Со öти снимок вылын сійö сулалö аслас керка дорын. Чужом вылас - и мудз, и сьöкыд кад вуджом... Ме гөрдитча прапöльöн. Сійö вуджис сьöкыд война кад, дорйис Аймунымöс. Батьöй да тётяй висьтавлöны меным, кызд ичötсянныс кывлісны прапöльсянь война йылысь казътывлöмгьяссö. Öд быд во Победа лунö чукöртчывлöмаось сы ордö, медым чолöманьны. Тшöктивлöмаось пасьтавны медаль-орденгьяса пиджаксö. Сэсья юасьлöмаось: а тайö мыйыс, а этайö кор сетлісны?

Война заводитчигөн менам прапöльы вöлöма сöмын 15 арöс. Сэки и батьсö нуöмаось фронт вылö. Сы бöрын кык төлысь велöдчöма на школаын, но сёянад сьöкыд вöлöма, да велöдчöмсьыс ковмöма дугöдчыны - пырöма колхозö уджавны. А 18 арöс тырöм бöрын босьтöмаось армияö.

Призывайтчылöма прапöль 1943-öd вося октябрь 27 лунö. Медводз нуöмаось Шойнатысянь Сыктывкарöдз, а сэсья Айкатылаöдз паракодөн. Сэсья нин Кардорöдз поездөн. Мöд асывнас нин, муртса нурьясьыштöм бöрын, юклöмаось, кодöс кытчö нуны. Прадедöй веськалöма миномётной ротаö наводчикöн. Квайт төлысь велöдчöм бöрын нуöмаось фронт вылö. Кык эшелонөн Латвияö ставнысö тюрöдöмаось. Первой Прибалтийской фронт вылын 58-öd номера стрелковöй полкын и заводитчöма сылөн службаыс. Аддзылöма менам прадедöй и, кызд «Катюшаыд» «уджалö». Лыйöмыс пö кытчö веськалö - сöмын лёк дук кольö: ставсö нырö.

Вöлөмкö, ранитчылöма прадедöй... Немечьяслөн разведкаыс, буракö, казялöма рочьяслысь лыйсяннгьяссö, заводитöмаось бомбитны. Пу сайö том мортыд эськö и сайöдчышлöма, да вöсньыдджык вöлöма сюрьяыс: морттö видзöма, а тшöкасö да кисö

абу жалитöма снарядыд. Палялöма медсанбатын нин... Чужöмыс бинтуйтöма, шуйга пельпомыс зöлитö, и кийс оз лэптыссьы. Кызкö-мыйкö веськыд кисö кышöдöма, кöсйöма мөдсö - а шуйга кийс абу! Нуöмаось сэсья прадедöс полевöй госпитальö. Сэсьянь «кукурузникөн» лэбöдöмаось Двинскö. 15 лун мысти мөдöдöмаось Молотовой (өнйя ногөн - Пермь) помöдз нин бурдöдчыны.

А сэсья воöма гортö мунан кад. Муса Нёбдін сиктас том зон мам син водзас сувтöма дзик мөд пöлөсөн нин: ёнмөм тушаа, зумыд тэчаса, чорыд видзöдласа, но доймөм тшöкаа да... китöм. Мамыслөн ээлавлöма сьöлөмыс татшöм питö аддзöм бöрын, но век жö öтпыр и радлöма: ловъя öд, сьöлөмшöрыс!

А прадедöй зэв дыр паччöрсьыс абу лэччылöма, яндзим пö. Көть эськö и мыйысь яндысьнысö?! Веськыда позис видзöдны сиктсалы синмас - öд найöс дорйигөн дзоньвидзалунсö воштис... Но сэсья кадыс, дерт, бурдöдöма прапöльысь дойяссö. Пырöма уджавны ОРС-ö вузасьысьөн. Вочасөн велалöма ки пöлөн овныуджавны. А босьтöма гөтыр пыддиыс медся мича нывсö. И олөм чöжыс гөтырсö видзöма

сьöкыд уджысь да и мыйöн вермöма отсавлöма внук-внучкалы.

Сьöкыдсö вермис венны менам прадедöй, эз сетчы нинöмлы. Ме лыддя сійöс збыльысь геройöн. Кык пöвста геройöн. И косья шуны зэв ыджыд аттö татшöм йозыслы - Победа дорысьяслы да водзö олөмсö шаня нуöдысьяслы.

**Ксения ПОПОВА,  
«Том корреспондент»  
котырö ветпысь.  
Кöрткерöс районса  
Шойнаты сикт.**



**Босьт  
ПРИМЕР**

**Өнiя кадö абу дивö, мый том йöз эновтöны чужан сикт-грезд. И таысь дивитны найöс он вермы: карад позянлуныд унджык. Ад-дзан кө чужанинад сьёлöм серти удж, дерт, карыд вылö вежыд оз пет, но оз тай ставлөн тадзи артмы. Овлö, и карса ныв-зон аддзöны ин сикт-грездын.**

Со Людмила Огнева чужлöма Сыктывкарын, помавлöма юркарсашöр школа, а сесся овмöдчöма Сыктывдiн районса Сёська сиктö и таысь ньöти оз каитчы. Сылөн рöдвужыс да и верöсыс сэтысь.

- Сиктö зэв кокни сьёлöмөн локтi. Весиг верöс мамлысь мöс на судзис видзны. Со öнi и комиөн велалi сёрнитны, - висьталö Людмила.

Людмилалөн кык вылыс тшупöда диплом. Öтиыс - психология да социальнöй удж, а мöдыс - юридическöй нырвизыяс серти. Верöсыс - ас вылö уджалысь, вөрөн ноксьö, а Людмила некымын во нин сиктөн юрнуöдö. Быдтöны куим челядьöс, лэптöны керка - нимкодь видзöдны татшöм гозъя вылад. 28 арöса нывлөн сиктса тöжд-могыд тырмымөн.

- Олег верöсöй ёна отсалö тракторён. Зэв ыджыд аттьö көсья висьтавны и миян совхозлы, депутатъяслы. Кор кылан öта-мöдтö, отсалан ёрта-ёртлы - сэжи ставыс артмас, - шуö сийö.

Сёська сиктын, кытчö нöшта пырö Граддор, олö 630 морт. Сиктыс юркарсянь неылын, да та понда унаён татчö дача лэптöны - паськалö овмöдчаниныс. Неважөн Сёськаын стрöитöмаöсь выль школа-детсад, кытчö тшöтш и нувчимса волöны. Унаён уджалöны сэтчöс совхозын. Людмила

## Людмила ОГНЕВА: Сиктö локтi кокни сьёлöмөн



серти, сиктад кодi көсйö уджавны, уджыд быдлаысь сюрö, а кодi курыдторйөн дурö, и водзö юас.

-Таво гожöмын ас сиктын мöвлалам сувтöдны челядьлы кык ворсан площадка. Бать-мамлы лоö, кытчö новлöдлыны быдтасъянысö. Детсагйö весиг öчередь

ковмылö сулавны. Öти боксянь кө - тайö бур, сiдзкö, сиктыс паськалö-сöвмö, - шуö Людмила. - А нöшта Сёськаса томуров радейтöны спорт. Быд во район тшупöдын котырттам футболысь оргйысьöм. Котыртлам и пляжнöй футбол кузя вермасьöм. Ёна отсасьö таын сиктса администрация да Сёськаын олысь Игорь Иванович Бихерт. Аттьö отсöгысь!

Со öд кутшöм гажа овны сиктад, кор öтув вöчан кутшöмкö колана удж, отсалан ёрта-ёртлы да пуктан ассьыд пай сикт сöвмöдöмö. Торйөн нин нимкодь, кор водзмöстчысь да тёлка ныв-зон юрнуöдöны сикт-грездөн. Налөн выль мөвпгясөн да зильмөн ичот чужаниныд некор оз кус. Сiдзкö, сиктлөн аскиалуныс том йöз сайын.

Екатерина МИКУШЕВА.

Снимокыс  
Людмила ОГНЕВАЛÖН  
да Сыктывдiн районса  
«Наша жизнь» газетлөн.



**Медводдза  
ВОСЬКОВ**

**Тавося май төлысь Сыктывкарса канму университетсы коми филология юкёнын лои вельтор: искусствояс гимназиялön концерт залын ми петкөдлім «От» спектакль. Авторыс - 5-öd курсса студент Ольга Баженова. Спектакль пуктысь - республикаын нималана режиссёр В.М.Напалков. Ворсысьясыс - университетса студентъяс, сиктъясысь петавлөм да öні карын уджалысь верстьö йöз, гимназияса «Ордым» театр-студияын да гуманитарной юкёнын велөдчысьяс.**

## «Төдö сöмын сьөлöмыд. Медколанасö синмыд оз казав»

Ставыс артмис «New-том-тевчук» творчества мастерскойын, а ышöдiс мянöс 1921-öd воö Нёбдiнса Витторөн лöсьöдöм «Сыкомтевчук» котыр. Дерт, тöданныд, мый тайö сыктывкарса коми театрын медводдза ворсысь чукöр. Колян во вöлі В.Савин чужöмсянь тшупöда пас, и ми, тайöс тöд вылын кутöмөн, нуöдiм пьесаылысь конкурс, медым медбур гижöдсö пуктыны сцена вылын.

Мый сийö отыс? Коми сёрнисикасьясын сылөн эм некымын вежöртас, а Емдiн районын весиг эм От сикт. Миян ногөн кө - пасьта, паськылун. Кутшöма оз тырмыв коми мортыслы оломас паськылунсö аддзöмыс!

Морт воштö батсьö, ёртсö, асьсö. Мыйла? Кызди аддзыны мортгуйсö? Кодi отсалас? - со та вылын и мөвпалам сцена вывсьянь.

Унаторйö велалим репетицияяс дырйи: öта-мöдöс дözмытöг виччысьны, донъявны асьыд да

ёртыдысь кадтö, «ворстöг ворсны», пыдди пуктыны быд мортöс да, кызди шуö пьесаыс герой, «лоавны ладөн». Корсим быд персонажлысь пытшкöсса майшасьöмсö, сылысь оломын да сцена вылын инсö.

Медводдза петкөдчöмыс мянöс ышöдiс, кывзiм уна ошкöм, эмöсь и вöзйöмъяс. Мöдысьсö көсьям петкөдчыны арнас. Видза корам ставнытö!

Пöся аттьöалам отсöгысь Финляндияысь М.Кастрен нима котырöс, Сыктывкарса канму университетнымöс, искусствояс гимназиялön веськөдлысь М.В.Кузьбожеваöс, ставнысö, кодi эз вöв веськөдчöн мян дорö.

**Быг бурсö сиймөн -  
Сыктывкарса канму  
университетсы коми да  
финн-угор филология  
кафедраса велöдысь Елена  
Васильевна ОСТАПОВА.**

А улынджык вöзъям лыддьыны студентъяслысь спектакль йылысь сьөлöмкылöмъяссö.

### ВЫЛЬ СЬӨЛӨМКЫЛӨМ ДА МӨВП

Уси шуд видзöдны «От» спектакль-мөвпалöмлысь премьерасö. Йöзыс вöлі уна: и верстьö, и том йöз, и весиг челядь.

Меным зэв ёна кажитчис спектаклыс. Медводдза жö здукъясас быдсөн быттö унмö вöйтчи. Но меным эз окота вöв узыны! Окота вöлі кывзыны и гөгөрвоны быд кыв, быд шы, быд вөрöм. Кор сöмын на кутiсны кывны медводдза сьыланкыв шыяс, менö быттö тiрöб босьтiс, сьөлöмой ылькнитiс. Меным вöлі сэтшöм бур да лöсьыд, мый вунöддi тайö каднас ставсö. И вöлі весиг неуна жугыль, мый ставыс öдйö помасис.

Унджык спектакль ворсысьсö ме тöда. Тайö менам ёртъяс. И ме чайта, мый рольясыс быдöнлы лöсьалöны. Сийö олансерыс, кутшöмöс найö петкөдлісны, быттö олісны, сцена вылын, эм на пиын.

Весиг петiс синва öти звукö. Збыль! Сэни герой ворсiс челядьдырся кадсö: матыстчис корны отсöг батыслысь, а сийö писö öтдортис, шуис, мый кадыс абу. И пиыс сэтшöма скöрмис! Сэтшöм жаль лоис кагаыс. Ми ставным тадз тэрмасям овны, мый матысса вылö дзик ог кольöй кад.

Ме думысь, тайö спектакльсö позьö видзöдны көть мыйтаысь. Бурджык, лоö кө сийö нöшта петкөдлöма кутшöмкö кадколас бöрын. Öд öні ми ставсö гөгөрвоим öти ногөн, а кор коляс кад, ми вежсям, и сьөлöмö да вежөрö воасны дзик нин мöд сьөлöмкылöмъяс да мөвпъяс.

**Ирина ИЗЬЮРОВА,  
333-öd группаса студент**



## Аттьö Олыгалы пьесаысь!

Пьеса йылысь ме верма висътавыны сöмын буртор. Помнита, кор медводдзаясь лыдди Оля Баженовалысь «От» пьесасö, ставсö, дерт, дзик пыр эг гөгөрво. Но ветлöддi репетициясь вылö и сöмын сэки кути вежортны, мый йылысь муно сёрниыс.

Гижöдыс Олялön зэв аслыспöлöс: висътавысь Мортлön олöм йылысь, и сэжö шыöдчö Ен дорö. Пьесаын ме вöли Мортлön ичöтдырся герой ворсысьөн. Кывйыс вöли этша, но и сийö петкöдчöмыс колана, сы вöсна мый быдöнлön вöли батыскöд кутшöмкö да кутшöмкö зыксьöм. Челядьдырся кадö öд он на гөгөрво, мый батытöг овны сьöкыд, но, кор ставсö нин вежортан, тöдан, мый бать - быдöнлы колана морт. Синтö восьтö олöмас тайö пьесаыс. Премьера бöрын мөвпавны кути мöд ногөн. Оз ков лöгавны, оз ков ассыд лөгтö веськöдны мöд морт вылö, оз ков öтдортчыны ёртъясысь, бать-мамысь. А мöдарö, колö мунны накöд и тöдны, мый тэнö радейтöны, пыдди пуктöны!

Виктор Михайлович Напалковлы зэв ыджыд аттьö шуа! Öд сийö уджалис мянкöд, терпитис мянöс, отсасис. Пуктис пьесасö сцена вылö сэтшöм ногөн, мый весиг эг вермы и думыштлыны татшöмторсö.

Менам ыджыдджык вокöй, Дима, сідзжö ворсис тайö пьесаын. И быд репетиция бöрын ми тшöкыда сёрнитим олöм йылысь, Ен йылысь, бать-мам йылысь, ёртъясöс казтывалим. Пыр на сийö рытыс менам син водзын: креслö вылын видзöдысьяс, кулиса сайын студентъяс да гимназияса велöдчысьяс, а Виктор Михайлович видзöдö мян петкöдчöм вылö быд боксянь. Аттьö зэв ыджыд Олыгалы тайö пьесаысь! Бур, мый эмöсь татшöм йöз, кодъяс эскöны бур олöмö, Енмö, мортлön олöмын вежсьöмö!

**Алексей ПОПОВ,**  
мöд курса велöдчысь

## Колö кужны сибöдны

Медводдза петкöдчöмсянь тыдовтчис спектакль пуктысьяслön сьöлөмсянь уджалöм да зiля ворсöм. Ворсысьясөн вöлины университетса студентъяс да выпускникъяс, мый нöшта на ышöдiс волыны премьеры вылö.

Видзöдысьясөн вöлины велöдчысьяс, студентъяс, велöдысьяс, гижысьяс, коми кыв да литература туялысьяс да уна мукöд йöз. Весиг Емдiн районса Кожмудор сиктысь волісны 22 морт! Эз весьшөрö чукөрмыв уна видзöдысь: спектакльлön вöли ыджыд вежортас. Öнiя том да верстыö войтыр оз ёна мөвпавны, кыдзи колö колана ногөн да бура овны. Уна йöзлön олöмас да вежорас абу места Енлы. Пьесаын ворсысьяс кужмөн петкöдiсны Ентöг збыльвывса олöм. Ольга ышöдiс видзöдысьясöс аслас пьесанас бур олöм дорö, колö лэдзны аслад сьöлөмö Енсö, и сэки тэнад олöмын лоас и радейтчöм, и шуддун, и ставыс лоас бур. Сöмын колö кывны Енсö да сибöдны ас дорад.

**Анастасия МИШАРИНА,** 4-öг курса студент.

## Ен мед бурсиас и дивитысьöс, и ошкысьöс

Спектакль дырйи позьö вöли кывны сьöлөмъясысь лолалöмсö, ышлолалöмсö, бöрдöмсö. Мый вермас лоны мянлы ыджыдджык козинөн? Дерт, кывйыс пьесаыслön абу пöтöса, ачыс формаыс ёна чотö, но шуда сийö мортыс, кодi вермис аддзыны гöль кыв сайсыс öзъяна озыр сьöлөмъяс. Антуан де Сент-Экзюпери моз кö: «Тöдö сöмын сьöлөмыд. Медколанасö синмыд оз казьяв». Аттьö видзöдысьяслы, Елена Васильевналы, Виктор Михайловичлы, Влады (Мортлы), Николай Александровичлы (Мортлön батылы), Васялы (Туймортлы), Ангелиналы (Редакторлы), Дималы (Мортлön двöйниклы), Лёшалы (ичöтдырся Мортлы), Ксюшалы (мультимедиа дасьтысьлы), гимназияын велöдчысьяслы ыджыд терпennyöысь да сьöлөм сетöмысь. Ен мед бурсиас и дивитысьöс, и ошкысьöс.

**Оля БАЖЕНОВА,**  
5-öг курса студент,  
пьеса гижысь



## Сцена - торъя олöм

Кор вöзйисны ворсны Олялön «От» пьесаын, весиг эг думыштлы, мый ворсны ог кöсйы. Окота лои ачымöс збыль артистөн кывны. Менам роль - Туйморт. Шөр геройсö (Мортсö) бур олöмань туйдысь, велöдысь. Эз вöв сьöкыд пырöдчыны роляс, да и ачыс пертасыс мен сьöлөм вылö воис. Ен кодъ геройсö, ставсö тöдысьсö да вермысьсö ворси сьöлөмсянь. Унаөн тай шуісны: весиг эг пö тöдмалöй тэнö, гөлöсыд пö весиг вежсьöма сцена вылас. Сідзкö, ворсысьнас верма лоны. Уналы кажитчис менам герой, меным тшöтш. А сценаыс быттьö торъя олöм: сулалан вылын, ставыс сöмын тэ вылö видзöдöны, ылын бияс, гөгөр пемыд да лөнъ. Зэв кажитчис ыджыд сцена вылад ворсны. Эска, мый ог на и бөръяысь.

**Василий ЧУПРОВ,** коймöг курса студент



**ШӨПКӨДЧЫШТАМ**

*Миянлы, нывъяслы, пыр колө мөвпавны мич-лун йылысь. Юрси, платтьө, тупли - ставыс мед лөсяліс туша-мыгөрыдлы. А кыдзи нө бөрйыны баситчантор платтьө-блузкалөн голядор вырез дорө?*

# Кутшөм сикөтш бөрйыны?

Платтьөлөн голядорыс уна сикаса овло: сідз шусяна ассиметричнөй, квадратнөй, V да U сяма. Голядор вырезыс вермас и не лоны, шуам, голя вомөн көртасысь платтьөлөн.

\* Ассиметричнөй вырез кө, некутшөм баситчантор голя вылад пасытавны оз ков. Бурджык бөрйыны мича исерга да браслет.

\* U выреза платтьө кө бөрйин, позьө кык ногөн баситны голядорто. Медводдза сикасыс - тайө колье, но мед дзик голя дорто шымыртис. Мөд сикасыс - колье, но мед U сяма мыгөра жө вөлі.

\* Эм сьөлөм мыгөра вырез. Кыдзи бөрйыны татшөм платтьө дорө сикөтш, колье? Нинөм сьөкыдыс абу. Вөлөмкө, татшөм платтьө дорад быдсикас баситчанторйыс лөсялө: кузь, дженьыд, ыджыд, дзоля. Сідзкө, бөрйи сэтшөмөс, кутшөм, тэ серти, медьёна төдчөдас мичлунтө.



\* V мыгөра вырез ёна радейтөны нывъяс, өд сийө зэв мичаа видзөдчө. Медьёна сылы лөсялө подвескаа колье. Голя дорө матыс колье, уна тшупода баситчантор сідзжө мичмөдасны тэнө.

\* Квадрат выреза платтьөлы оз лөсяв синмө шыбитчана да ыджыд баситчантор. Жемчугысь дженьыд колье либө голя дор матө шымыртысь колье медьёна лөсяласны.

*Баситчантортө колө бөрйыны кужөмөн. Мукөдгырйи мича платтьөыд оз бура видзөдчы, кужтөма кө сикөтш бөрйин. И нөшта сюркняв пель саяг: абу мича, кор уна баситчантор өшлөмыд ас вылад.*



## ТӨД ВYЛӨ

*Муртса на шондыс пöжыштис, а республикаса юясын бара нин эмось вöйысьяс. Со купайтчигөн некымын морт нин пöдöма.*

*Воись-во телевидение-радио да газетъясын войтырлы юөртöны, кызди видзчысьны ю вылын. Сöмын тай оз ставныс сюркнявны коланасö пель саяныс. Бытьё налön олöмыс весьшөрö, а ми öд öтчыд олам.*

# Видзчысь ю вылын!

### Кутöй тöд вылын:

- купайтчöй тöдса юясын;
- энö пыдö пырöй да энö матыстчöй кывтысь пыж-катеръяс дорö;
- энö пырöй юö гажа юрөн;
- веськалинныд кö визулö - варчöй берег дорас сідз шусяна диагональön;
- энö дыр купайтчöй: ёна кынмалöм бöрын вермас вой тöv кыскыны, сёлöмыд сувтас либö воштанныд садьтö;
- веськалинныд кö вабергачö: кызд позьö унджык апыштöй сынöдсö, бөр суныштöй да став вын-эбöснад боквын йötкыштчöй - варчöй-петöй, корöй отсöг вылö;
- ичöt челядьöс дöзьöртöг эн кольöй ю дорö;
- шондi улын дыр пöжсьöм бöрын некор эн другысь чеччыштöй-суныштöй ваö: вермас сувтны лолыд;
- некор эн сунласьöй тöдтöм ю-тыын, вöляникысь пырöй ваö.

**Видзчысьöй ю дорын асьныд да зильöй отсавны немичуаö веськалöмалы!**



«Коми йöзöдчан керка»  
Коми Республикаса автономнöй учреждение.

**Веськöдлысьлысь**  
удж вöчысь  
**Е.В.ПЛЕТЦЕР**  
Гл.редактор  
**Г.В.МАКАРОВА**

Газет панысь:  
Печать да юөр сетан Коми Республикаса агентство.  
Регистрируйтöма  
2007 вося ноябрь 28 лунö  
йöзлы юөр сетöм да  
культураса озырлун видзöм  
кузя оланпасьяс  
збыльмöдöм бöрся  
видзöдысь федеральнöй  
службалön Беломорскöй  
управлениеын.

Регистрируйтан пас:  
ПИ №ФС 3-0686.  
Социальнöй тöдчанлуна  
гижöдьяссö йöзöдöма «Коми  
йöзöдчан керка» автономнöй  
учреждениелы печать да юөр  
сетан КР-са агентствöөн  
вичмöдöм сьöм вылö.

### Редакциялön адрес:

167982, Сыктывкар,  
К.Маркс улича,  
229-öд керка,  
401-402 кабинетъяс.  
Тел. 24-12-22, 24-36-49.  
E-mail: Yologa@mail.ru

### Редакцияын уджалысьяс:

том йöзлön мытшöдьяс  
юкөнön веськöдлысь –  
Надежда Пунегова;

письмö юкөнön  
веськöдлысь –  
Екатерина Микушева.

Медводдза лист бокас  
снимокыс  
Людмила  
Огневалön.

Авторъяслön мовпяяс оз  
пыр лöсявны редакциялön  
видзöдласкöд.

Тираж – 568.  
Гижöдчан индекс – 52099.  
«Йолога» газет петö  
1991-öд восянь  
вечоннас öтчыд, комиön.

Печатьö кырымалан кад:  
график серти – июнь  
тöлысьлön 18-öд лунö  
16 часын; кырымалöма  
печатьö 16 часын.  
Газет печатайтöма  
«Коми республиканскöй  
типография» ООÖ-ын дась  
оригинал-макетъясысь.  
167610, Сыктывкар,  
В.Савин улича, 81  
Заказ №



## *Дона ёрт!*

*Эн вунёд гижөдчыны «Йөлөгә» газет вылө локтан во джын кежлө!*

*Зіля котөртлы пошта вылө да сугзөд том войтырлы коми кывъя дзик өти петас. И сэсса быд вежон гортөдзыд кутас локны 16 лист бока «Йөлөгә», кытысь кутан лыдгыны коми томуловлөн олөм-вылөм йылысь, төдмасьны выль кывбур-висьтъясөн да нимкодясьны енбиа войтырөн.*

*\*\*\**

*Тавося мөд во джын кежлө пошта пыр гижөдчан дон - 296 шайт 88 ур.*

*Редакцияын гижөдчан дон - 72 шайт.*